



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

2. Virtutum concentus.

[urn:nbn:de:hbz:466:1-68709](#)

bestias, ligna, lapides movisse, cursum fluminum fitisse, rauca murmura compescuisse.

II. (b) Longè verò dulcissima est illa Musica, quæ canit intus, & efferas animi perturbationes ad rationis numeros, velut ad harmoniam componit. Quod Macrobius observavit lib. 2. in somnio Scipionis c. 3. *Omnis, inquit, habitus anime cantibus moderatur.* Plato quoque in Timæo: *Data nobis est harmonia, non ad voluptates rationis expertes, sed ut per eam, dissonantem circuitum animarum componamus, & ad concentum sibi proprium revocemus.* Et Seneca Epist. 88. *Ad Muscum*, ait, *transeo, doces me, quomodo inter se acute & graves voces consonent; fac potius, quomodo animus secum meus consonet, nec consilia mea discrepent.* *Monstras mihi, qui sint modi flebiles: Adonstra potius, quomodo inter adversa non emittam flebilem vocem.* Si Platoni credimus, corpus nostrum cithara est, cithareodus est animus: cui nunc hæ, nunc illæ fides tentandæ; modò lex oculis, modò lingua ponenda; modò aures, modò manus adstringendæ; nunc luxuriae. nunc impatientiæ affectus ad debitam normam revocandi. Hominis christiani princeps cura est, ut quotidie citharam suorum affectionum examinet. Et jam cum iracundiâ suâ litigat, nunc invidiam reprehendit, modò suam somnolentiam exstimplat, mox lætitiam refrænat, inde tristitiam mitigat. Semper his suis chordis oberrat, totiesque vel remittit, vel severius intendit, donec in harmoniam conspirent.

III. (c) Meritas penas dederunt Libethrii, homines ab omni Musarum commercio alieni, elegantiorum disciplinarum stolidissimi contemptores, Orphei & Musices osores. Hinc à torrente, cui nomen *Sus*, cum horrido murmure, in modum porci grunnientis, superobruti, dignum crassis auribus acroama senserunt. Unde adagium: *inductior Lybethrii.* Non impedias musicam, monet Siracides cap. 32. quod sibi dictum putent *Misomus*, quibus suavius tinnit æreus in loculis nummulus, aut rudentis in stabulo stridor aselli, quam Orpheæ sonitus Citharæ, ad haram portius natis, quam ad Lyram.

IV. (d) Orphei Lyra inter astra relata est. Cur? Quia casta, honesta, sacra cecinit. Videlicet de impiorum Gigantium clade de Herculis laboribus, Corybantum viribus, Minervæ Sacrificiis; de deorum iustificationibus, vaticiniis, auspiciis; de signis & prodigiis: de inferorum expiationibus: de motu & ratione alrorum &c. Orco quam cœlo digniores sunt illæ lyrae, citharæ, voces musicæ, quæ modulatu la-

S s 3

scivo

(b) *Virtutum concentus*, (c) *Ojores liberalium artium*. (d) *Vnuperatio lascivorum cantuum.*